

Muntu ya me sonika leso yai, Mama Lorella Rouster, MCE

## NOEL LESO MOSI

**BAVERSE YA LESO:** *Luka 1:41,44, 46-47; 2:20; Matayo 2:2, Baebreo 1:6*

**KIKUMA YA LESO:** Bonso Yesu keke Nzambi ti beto, beto samba Yandi ti pesa lukumu na zina na Yandi.

**VERSE YA KULONGUKA:** *Baebreo 1:6*

*Ebuna, ntangu Nzambi vandaka ke tinda Mwana na yandi ya ntete awa na nsi-ntoto, yandi tubaka mpi nde:*

*“Bawanzio na mono yonso kusamba Yandi.”*

4ème- 6ème-Tuba verse ya mvimba:

1ère-3ème-"Nzambi...tubaka...nde: *"Bawanzio na mono yonso kusamba yandi (Yesu)."*

Garderie-*"Bawanzio...yonso kusamba yandi (Yesu)"*

**BANKUNGA:** Sola na kati ya bankunga yai:

Kintwadi No. 137 (Kaka mvutu na yo)

"Emmanuele", "Zitisa Zina ya Yesu", "Kumisa Nzambi (Yesu) na Kiese!" "Nkembo!

Nkembo!" (Yika bandinga Yesu me kwisa! Yesu me kwisa!" Aleluya!" "Tata, Mono

Zola Nge", "Yangalala, Bantu Yonso," "Na Mbeto ya Nsukami", To yimba konso

nkunga ya keke kuzitisa Nzambi.

**KUYANTIKA LESO:** Solula mpila beto ke pesa lukumu na bamfumu na beto. Bana tuba inki bo me mona ti nge yika mabanza.

**MALONGI YA NENE YA LESO YAI:** Na ntangu ya lubutuku ya Yesu, bayai pesaka yandi lukumu ti zitisaka Yandi:

**1. Mwana Yoane-Baptiste nikanaka na kiese na kati ya divumu ya mama na yandi (ntangu Mama Elizabeti monaka Mama Maria na divumu na Yandi.)**

**1A. Tanga:** *Luka 1:41,44*

*41 Ntangu Elisabeti bakaka mbote ya Maria, mwana nikanaka na divumu ya Elisabeti. Elisabeti fulukaka na Mpeve ya Nzambi, . . .*

*44 Sambu tala, ntangu mono me wa mbote yina ya nge me pesa mono, mwana me nikana na kiese na divumu na mono.*

**1B. Yula bana:**

- Mwana yina vandaka na divumu ya Elisabeti vandaka Yoane-Baptiste. Nani vandaka mwana na divumu ya Maria? (Yesu)
- Sambu na inki mwana Yoane-Baptiste nikanaka na divumu? (Sambu yandi me wa na ntima)

Muntu ya me sonika lesa yai, Mama Lorella Rouster, MCE

nde Nzambi me tinda Mesia na ntoto yai.)

### 1C. Songa inki me salama na théâtre :

Bana bankento yonso simba divumu ti tuba nde, « Mwana ke nikana na kiese ! Yandi ke zaba nde Yesu Mesia me kwisa!»

Bana babakala nikana bonso mwana Yoane-Baptiste, ti tuba nde, “Mesia me kwisa! Mesia me kwisa!”

### 1D. Yimba ti kina kusonga inki me salama :

Ata na divumu ya Elisabeti  
Mwana Yoane Baptiste nikanaka  
Na kiese sambu yandi zabaka  
Nde Yesu Mesia me kwisa!

Tii bubu, kana bantu yindula Yesu Kristo, bo zola kina, bo zola kusauter sambu na kiese. (Bana lenda sauter fioti.)

## 2. Maria mama ya Yesu kumisaka Nzambi sambu na kukwisa ya Yesu

### 2A. Tanga: Luka 1:46-47

46 Ebuna Maria tubaka nde: “Mono ke pesa Mfumu Nzambi lukumu na ntima na mono.  
47 Mono ke na kiese na ntima na mono sambu na Nzambi, Ngulusi na mono;

### 2B. Yula bana:

- Inki Maria, mama ya Yesu, tubaka sambu na kukwisa na Yandi?
- Maria bingaka Nzambi inki? (Ngulusi na mono.)

### 2C. Songa inki me salama na théâtre :

Bana bankento yonso sala bonso Maria. Bo nangula maboko ti boka nde, “Lukumu na Nzambi. Ngulusi na mono me kwisa!”

### 2D. Yimba ti kina kusonga inki me salama :

Mono ke na kiese sambu  
Ngulusi na mono me kwisa.

Tii bubu, bakristo kele kukangula minoko na bo, kele kumisa Nzambi sambu na kukwisa ya Yesu na nsi-ntoto.

Muntu ya me sonika leso yai, Mama Lorella Rouster, MCE

### 3. **Bawanzio kumisaka Nzambi ti sambaka Yesu.**

**3A. Tanga:** *Luka 2:13-14, Baebreo 1:6*

*13 Na kintulumukina, Ndonga ya nene ya bawanzio ya zulu kwisaka kuvukana na wanzio yina kumaka ntete. Ntangu bo vandaka kutuba, bo vandaka kupesa Nzambi lukumu nde:  
14 “Lukumu keke na Nzambi kuna na zulu, Ngemba keke awa na nsi-ntoto na kati ya bantu yina ya yandi ke ndimaka.”*

*Baebreo 1:6*

*Ebuna, ntangu Nzambi vandaka ke tinda Mwana na yandi ya ntete awa na nsi-ntoto, yandi tubaka mpi nde: “Bawanzio na mono yonso kusamba yandi.*

#### **3B. Yula bana:**

- Ntangu Yesu butukaka, bawanzio ikwa kwisaka na kintulumukina sambu na kumisa Nzambi?
- Bawanzio tubake lukumu na Nzambi ti inki na bantu na nsi-ntoto?
- Bawanzio yonso ya Nzambi salaka inki ntangu Yesu butukaka?

#### **3C. Songa inki me salama na théâtre :**

Bana yonso sala bonso bo keke bawanzio ke kumisa Nzambi sambu Yesu me butuka.

#### **3D. Yimba ti kina kusonga inki me salama :**

Bawanzio ya Nzambi kumisaka Yandi  
Kumisaka Yesu Mesia.

Tii bubu, bakristo keke kusamba Yesu Kristo. (Bana lenda samba Yandi na lutondo.)

### 4. **Bamvungi kumisaka Nzambi.**

**4A. Tanga:** *Luka 2:20*

*20 Ebuna bangungudi ya mameme vutukaka. Bo vandaka kupesa Nzambi lukumu sambu na mambu yina yonso ya bo waka ti ya bo monaka, sambu mambu yonso bwaka mutindu wanzio tubilaka bo.*

#### **4B. Yula bana:**

- Inki bangungudi ya mameme salaka?

Muntu ya me sonika lesa yai, Mama Lorella Rouster, MCE

- Mambu yonso bwaka inki mutindu?

#### 4C. Songa inki me salama na théâtre :

Bana ya nkaka sala bonso mameme, ya nkaka bonso bangungudi ya mameme. Bangungudi kumisa Nzambi ngolo sambu bo me mona nde Mesia me kwisa.

#### 4D. Yimba ti kina kusonga inki me salama :

Bangudi ya mameme kumisaka Yandi  
Kumisaka Yesu Mesia.

Tii bubu bantu kele kumisa Nzambi sambu na mambote yonso Yandi me sadila bo na kati ya Yesu Kristo.

(Bana lenda kumisa Nzambi sambu na mambote na Yandi kutinda Yesu.)

### 5. Bandwenga sambaka Yesu ye pesaka yandi makabu ya luzitu mingi.

#### 5A. Tanga: *Matayo 2:2*

2 Bo yulaka nde: ‘Wapi mwana yina me butuka sambu na kuvanda ntotila ya Bayuda? Beto monaka mbwetete na yandi ntangu yo monikaka na ndambu ya Este, bo kwisa kuma na Yeruzalemi.

#### 5B. Yula bana:

- Bandwenga yulaka inki?
- Yo kwisaka na Yeruzalemi sambu bo monaka inki?
- Bo monaka mbwetete ya Yesu wapi?

#### 5C. Songa inki me salama na théâtre :

Tula mwana bonso Maria ti Yozefi. Tula poupee sambu na Yesu. Bana ya nkaka vanda bandwenga. Bo landa mbwetete, bo kwisa kusamba Yesu.

#### 5D. Yimba ti kina kusonga inki me salama :

Bandwenga fukamaka na ntwala Yandi  
Bo kumisaka Yesu Mesia.  
Bo sambaka Yandi ti pesaka makabu.

Tii bubu, bantu ya mayele ikele kusamba Yesu. Beto lenda samba yandi sambu yandi kele kibeni Nzambi.

Tii bubu, beto ke songaka Yandi luzitu na bamakabu beto ke pesaka yandi.

Muntu ya me sonika leso yai, Mama Lorella Rouster, MCE

**DEVOIR SAMBU NA BAKRISTO:**

Mbote beto bakristo yantika kusamba Yesu lumbu na lumbu, kuyimbila yandi bankunga ya lukumu, kusamba Yandi na lombilu, kuzitisa Yandi na munoko na beto. Na mposo yai, beto zola kumisa Yesu konso lumbu.

**KUBINGA BANA KUNDIMA YESU:**

Kana nge me yamba Yesu ntete ve na ntima na nge, yonso ya nge lenda sala ta pesa yandi lukumu ve. Ntete nge fweti yamba Yandi bonso Mvulusi ti Mfumu na nge, na nima, nge lenda pesa Yandi lukumu mbote. Kana nge me yamba Yesu ntete ve, kansi bubu nge zola yamba Yandi, nge lenda bikala na nima ya ecole du dimanche, ebuna mono ta sadisa nge.

===

**NSUKA YA LESO**

===